

Završne aktivnosti općina u procesu okončanja implementacije imovinskih zakona

Svakog mjeseca sve je više i više općina u BiH koje su okončale proces implementacije imovinskih zakona. Trenutno ih ima 32. U cilju osiguranja transparentnosti i standardiziranog pristupa, agencije koje se bave Planom implementacije imovinskih zakona (PLIP), a to su OHR, OSCE, UNHCR i CRPC, usvojili su smjernice za provjeru da li su se općine pridržavale obaveza koje nalaže zakon.

Ove smjernice sadrže konkretne mjere koje trebaju preduzeti stambeni organi vlasti u svojim općinama prije objave okončanja PLIP-a. Od općina se očekuje da podnesu izvještaj o svim riješenim zahtjevima, stave na raspolaganje svaki dodatni alternativni smještaj susjednim općinama, redovno pregledaju spiskove korisnika alternativnog smještaja, kao i da stalno pružaju administrativnu pomoć u rješavanju svakog imovinskog zahtjeva pojedinačno, koji ubuduće bude dostavljen u njihov ured.

Međunarodne agencije na terenu će zajedno sa stambenim organima vlasti procijeniti da li su svi zahtjevi za okončanje procesa Plana implementacije imovinskih zakona, u znatnoj mjeri, ispoštovani. Nakon toga, Državna komisija za izbjeglice i raseljene osobe kao i mediji, biće obaviješteni o okončanju procesa u tim općinama. To će osigurati transparentnost procesa kao i jednaku primjenu u čitavoj BIH.

Finalizacija implementacije imovinskih zakona je samo jedan korak ka realizaciji Aneksa VII. Općine će i dalje imati obavezu da na sve moguće načine podržavaju povratak izbjeglica

i raseljenih osoba.

Za one općine koje su okončale proces implementacije imovinskih zakona se sada u potpunosti mogu posvetiti ekonomskom i društvenom razvoju, kao i uspostavljanju normalnih uslova za život.

Pogledajte [PLIP-ove smjernice općinama za utvrđivanje suštinskog završetka implementacije imovinskih zakona](#) .